

menter commoveri. Habet namque Regum & Monarcharum favor semper quidem aliquid in se augusti, sed præcipue quando is theatrum eligit, non fortuito invenit, nec casu obrepit, sed ex meritis resultat. Spartam vero hanc gloriosam ita exornavit B. Heros, ut non minorem de se dignitatem illi adderet, quam ex illa accepit. Parcissimus honorum suorum æstimator laudis proventum non præoccupavit, sed eousque distulit, donec aliorum judiciis in illum cumularetur. Authoritatem alius non diminuit, sed suam conservavit; quin imo auxit, cum & ipse alios revereretur. Sed jam demum grave cum Danis accenditur bellum. Cujus causa abeunte Holmiâ Rege, Regioq; Drotzeto, B. Beroi continuo ibi manendi necessitas imposita est, tam ob Cancellariam Regiam, cujus cura illi non ita pridem demandata erat, quam litigantium acta in

REVI

Revisione nomine Regis proponenda, ut
naque ad justam sententiam promovenda.
Magnificum quidem, sed grave munus! e-
oque magis quo sedentaria vita animique
labor continuus corporis ejus constitu-
tioni si non ruinam minari, saltem noc-
ere magis videbatur. Proinde otium hocce
metuens inde liberari, aliique sanitati ma-
gis proficuo muneri terra vel mari præ-
fici optabat; Verum incomparabili ejus
industria adeo confidebat Rex, ut omnia
bene & pro dignitate curatum iri B. He-
roe præsentem, secus verò illo absente,
fuerit persuasus. In voluntate itaq; Regis
lubentissime acquiescens, sibi credita pro
solito urgebat, nec ullis unquam pro sa-
lute publica laboribus defatigabatur. Ad-
veniente verò Rege, fidelium ministro-
rum remuneratore largissimo, primum
Westro-Gothiaë Dahliæque Judex Provin-
cialis, mox summi Judicii Regii Holmensis
Præ-

Præses, cellissimo in utroque succedendo
Parenti, statuitur & confirmatur. O! Quam
pulcrum, quam rarum, quam gloriosum
tantum Filium tanti Patris tam excelsam
occupare sedem. Gaudebat Themis, ex-
ultabat orbis hyperboreus. Arduum certè,
si quid aliud, ac difficile populis jura di-
stribuere, causas examinare, præmia lar-
giri, poenas ac mortem irrogare, nocen-
tibus simul ac bonis satisfacere, ubi metus,
odium aut gratia conscientiam sæpe cor-
rumpunt; Sed unus B. Heros tantæ moli
sustinendæ suffecit: Nam in omnibus
quod rectissimum erat sensit & suavit: In
judiciis gravis, in dicendis sententiis æ-
quus, nullius studio, nullius æmulatione
à veri bonique tramite unquam deflexus.
Necessitas subditorum non per interpretes,
sed auribus propriis excepit, cum nemini
mallet quam sibi credere de iis, in quibus
officii rationem versari cognosceret. Hinc
carus

carus Regi, jucundus Collegis, subditis
venerabundus. Officiorum & honoris
sic satur videri poterat B. Heros; Sed spe-
ctata illius in Patriam fides ad plura ope-
ram ejus poscebat. Sic Regiæ hujus Acade-
miæ Cancellarius fieri debuit. Quanto
vero gaudio, quot gratulantium vocibus
acceptus est strenuissimus hic STATOR:
Quid spei, quid animi omnibus inde ac-
cesserit, exprimere nequeo. Communis
vox erat, Jam felicibus

Ingeniis aperitur iter despectaque Musa

Colla levant-

Nec fefellit omen: Qua in re enim o-
pem ejus implorabat salus Academica,
nulla penes ipsum, vel curis occupatissi-
mum, mora, nullum fastidium differebat,
sed cuncta cito, jucunde & clementer
promovebat. Ipsemet supra communem
sortem doctus, doctos doctrinæq; aman-
tes æstimavit, fataque eorum sibi curæ

H

COR-

cordique esse nunquam non significare dignatus est. Unde & eò majus desiderium nostrum! eò gravior, quam fecimus, jactura! Decreverat S.^a R.^a Maj.^{tas} adcuram tam in Regio Tribunali Wismariæ institueret visitationem, tam ad videndum quæ ratione ibi administrata fuerat justitia, quam ad casus aliquos inter Regium hoc judicium Administratoresque Pomeranicos & Bremenses ortos decidendum componendumque. Res autem tanto gravioris erat ponderis, quanto omnium visitatio hæc erat prima, quæque omnibus ibi unquam futuris canon foret & regula. Quæstio tantum erat cuinam demandaretur? Sed & hic coram omnium oculis fulgentissimi instar syderis lucebat B. Herois incomparabilis in Regem & Patriam fides stupendaque Legum Regni Romani scientia cum inusitata conjuncta prudentia. Cui ergo alii præter illum? His itaque ducibus opus ag-

aggreditur, omnique superata difficultate,
breui ad eum id statum, in quo nunc est,
perducit. Testem verò optati successus
in perennem sui laudem à se consignatum,
à Rege clementer adprobatum, orbique
univerſo communicatum viſitationis ita
dictum, Receſſum reliquit. His aliisque ſi-
mul in publico Pomeraniæ ordinum con-
ventu eadem expeditione deſunctus, do-
mum rediit, ſummasque functiones ordina-
rias aliquot annos obivit: donec alio ite-
rum B. Heroa exploratiſſimum pariter ac
feliciffimum divini ejus ingenii robur re-
vocavit. Reductionis in Pomerania antea
inceptum opus ad finem perducere vo-
luit. Quod ipſum ut magnificentum ita o-
neroſum valde S.^æ R.^æ M.ⁱ B. Heroi, il-
luſtriſſimoque Comiti & Campi Mare-
ſchallo Domino NICOLAO Bielle/
inungere placuit. Hic vero ſpectaba-
tur maximè qualem in illo virum Rex
ha-

habuit. Voluntatem subditorum & necessitatem Reipublicæ res plerumque dissociabiles, tanta prudentia miscuit, ut Regis voluntatem in omnibus servando, cunctis nihilominus occasionem querendi præriperit. Dura initio videbatur propositio, sed adeo solide rem demonstravit, animorumque intima simul occupavit ut non ad vanas querelas, sed obedientiam Regi præstandam cuncti certatim contenderent. Ipsi ordinum deputati tam justum & æquum, tam sapientem & prudentem Directorem summo opere admirabantur, sibi que invicem de eo gratulabantur, maximo honori ducentes tanto Præsidi fuisse Assesores. Qua vero fide & industria quoque zelo acta sint hæc & transacta, non opus est loqui. Loqvuntur de eo plurima, eaque vel calamo tantum consignata, vel publicæ etiam luci data & ex in-
ti-

timis Juris recessibus hausta Scripta, non
sine assiduo labore nocturnisque vigiliis,
sæpe etiam supra vires, in statu præcipue
valetudinario, protractis, edita. Faciamus
interim Acta tacere publica, æquidem su-
pra millenis erit testibus quod REX ipse
merita agnoscere & loqui non fastidit.
Adeo Huic fere soli datum fuit in rebus
inaccessis spem omnium superare &
REGIS desideria adimplere! Care satis
emit sua trophæa bonus quisque miles;
sed nec pacis virtutes in molli cultorum
suorum gremio coronam expectant, quin
molestiæ, curarum & laboris magnitu-
dine illam sibi decerni cupiunt. Hoc Tu
fecisti B. Heros, quod etiam in laudum
Tuarum tabulas grata refert referetque
Svecia. Sed vero dum hæc meditor, in-
timum mihi pectus cohorrescit

Arrectæque coma stant & vox faucibus hæret.

I

Ge-

Gestavit B. Heros animum in mediis
tempestatibus inconcussum, in secundis
placidum, in arduis felicem: Gestavit
mentem cœlo & immortalitati natam:
Gestavit dotes Regi pretiosas, Patriæ &
veræ Religioni salutare, virtutes gloriâ
per orbem commendatissimas; Sed tra-
xit quoque corpus caducum, fragile,
mortale, unde & illi fato tandem suo
erat concedendum. In medio itaque
gloriæ curriculo, inter tot trophæa con-
stitutus, dum Regi fidelissime servit, dum
Patriæ bona meditatur, dum utriusque
causâ sui ipsius obliviscitur, elabuntur illi
vires, afficitur corpus & fatalis contrahitur
morbus. Quo cum diutius quidem con-
flictatus est, Medicorum tamen sollicita
opera interposita, urgente divina Coniuge
& DEUM sedulo precante, ita in gratiam
rediit, ut spem foverit aliqualem se iter,
quod

quod foris domum susceperat, absoluturum
Regisque manum, quod summum vo-
torum erat, gestorum ratione exposita, o-
sculaturum fore. Ast non prius fere pa-
triam hancce terrenam vidit, quam

Quis talia fando temperet a lacrymis?

æternam animam Patriæ æternæ & ge-
nuinæ post tot exantlatos labores, omni
abjecta sollicitudine, inter preces & suspi-
ria: **DEUS PACATOR MIHI PECCATORI!** in præ-
dio suo prope Calmariam, Wernenäs di-
cto asseruit restituitque. Sic semel vixisti
DE LA GARDIE, semel vicisti, semel
nunc sed æternum triumphas! Quiescat
placide animi Tui habitaculum, quod in
conditorio jacet! Surgat fama, surgat ho-
nos qui per secula in memoria postero-
rum perennat! Interim, Illustrissime He-
ros, si vota precesque hominum non re-
for-

formident Manes piorum, extremas has
& humiles Academiae Tuæ voces accipe:
Salve Cancellarie benignissime, salve Tu-
tor optime, salve Protector desidera-
tissime, salve & æternum
vale!

